

COMUNICATO n. 2082 del 09/08/2024

Traduzione in ladino

TreC+, se smaora la funzionalitèdes de app e portal

[Ladino] L sistem TreC+ l se endota de neva funzionalitèdes per ge dèr l met ai sentadins de aer a la leta più servijes on-line e de se n emprevaler più sorì. En jebia 1m de aost l é stat dat fora la verscions agiornèdes de l'aplicazion e del program TreC+ con de neva funzionalitèdes che dèsc l met de paèr la prestazions tras l'app, de ciarièr n referat medich metù ju te strutures sanitàres fora da la provinzia de Trent, de ciapèr la notifica canche l é a la leta n referat e de poder no l fèr veder te la lingia personèla estra che desvalives adatomenc de segurezza.

Con TreC+ l azes ai servijes sanitàres on-line l vegn fat tras na piataforma web e na aplicazion del Servije sanitàr provinzièl olache vegn metù su e rua ite prestazions e dac sanitàres scialdi a la leta e con azes più sorì per l sentadin. De gra a TreC+, i trentins i à a la leta una de la pruma piataformes te la Tèlia de servijes on-line da durèr per la interazion col Servije sanitàr provinzièl.

TreC+ l é l ejit de n projet volù da la Provinzia autonoma de Trent, da l'Azienda provinzièla per i servijes sanitàres e da la Fondazion Bruno Kessler e metù a jir tras l zenter de competenza sanità digitèla TrentinoSalute4.0.

Per ciarièr i neves agiornamenc su l'app TreC+ bèsta demò desiarièr la neva verscion dai store (Android o iOS). Chi che no à amò desiarià l'app TreC+, arà l met de l fèr a na vida autonoma con azes dal portal web trec.trentinosalute.net ge jan do a la indicazions.

Tel detai la neva funzionalitèdes de TreC+ l é:

- **integrazione con Mypay:** vegn dat l met de paèr la prestazions sanitàres su TreC+;
- **notifiche push dac sanitàres:** vegn manà na notifica push canche n utent delegà va ite te la TreC+ del delegant, opuramenter canche vegn vedù n refert/na prescrizione su la piataforma web;
- **archiviazion referc e rezetes:** se pel no fèr veder n refert/na prescrizione da la lingia generèla. L é stat enjontà n filter de enrescida che dèsc l met de veder i referc/prescrizions che se à sconet;
- **ciarièr dal fonin i referac medics creé off-line:** se pel ciarièr documenc personèi (referac o etres documenc sanitàres) col fonin.

Traduzion di Servijes Linguistics e Culturèi del Comun general de Fascia

(cdt)